

*Nassuiaat:*

## **Tusass Musicimi immikkut piginnittuussutsimik isumaqatigiissuteqarneq**

### **Qanoq isumaqarpa, soorlu?**

*Tusass Musicip* anguniagaraa kalaallit nipilersortartut nipilersukkaminnit pitsaanerpaamik iluaquserneqarnissaaat. Tamanna piviusunngortinniarlugu kalaallit nipilersugaasa, tusarnaartarfimmut aningaasatigut nipilersortartunut iluanaaruteqarnarnerusumut katersorneqarnissaat pingaaruteqarpoq; tassa *Tusass Musicimut*.

Suleqatigisatta DiGiDip naatsorsuutigaa, *Tusass Music* 4.000-inik akiliisartunik atuisoqarmat, *Tusass Musicimiit* aningaasatigut iluanaarutissaat, tusarnaartarfinnut allanut (tamarmik katilugit) naleqqiullugit annerunissaa. Immikkut piginnittuussutsimik isumaqatigiissuteqarnikkut, Kalaallit nipilersortartut *Tusass Musicimi* ataatsimoorfeqarlerput, tasanilu tusarnaartartut nipilersuutinik nutaanngitsunik nutaanillu tusarnaarsinnaapput, aliannaarsaarlutik nutaanillu isumassarsiorlutik.

Immikkut piginnittuussutsimik isumaqatigiissut Nunatsinni Danmarkimilu taamaallaat atuuppoq, nipilersortartullu nunani tamalaani nipilersuutiminnik tunisaqarsinnaatitaapput, soorlu Europami USA-milu. Taamaalillutik nipilersuutit tusarnaartarfinni allani nassaarineqarsinnaassapput; Kalaallit Nunaata Danmarkillu avataani Spotifyimi, Tidalimi Apple Musicimilu.

Tusassip anguniagaraa kalaallit nipilersortartut nunaminni tuniniaavinni sapinggisamik annerpaamik iluanaaruteqartarnissaat, saniatigullu tusarnaartarfiit allat aqputigalugit nunarsuup sinnerani angusaqarlutik.

*Nassuiaat:*

## **User-Centric Fordeling suua, tusarnaartarfinnullu allanut sanilliullugu suna assigiinngis-sutigaa?**

*Tusass Musicip* isertitanut tunngatillugu periuseq user-centric fordelling atorpaa, tamannalu tusarnaartarfinni allani periutsiniit allaanerungaatsiarpoq. Systemit taakku marluk nassuiaataat, user-centricillu nipilersortartunut tusarnaartartunullu pitsaaqutaat ataani atuarsinnaavatit:

### **User-Centric Fordeling**

User-centric fordelling, tusarnaartartut ataasiakkaat tusarnaagaat tunngavigalugit periuseqarpoq, nipilersortartunullu tusarnaarneqartunut isertitat toqqaannartumik agguataarneqartarput.



- 1. Inuit ataasiakkaat tusarnaariaasaat:** Tusarnaartartoq *Tusass Music*imi nipilersuummik tusarnaaraangat, atuisuuffimmut akiliutaat nipilersortartunut tusarnaagaanut toqqaannaq agguataarneqartarput. Tusarnaartooq nipilersortartumik ataatsimik taamaallaat tusarnaagaqartarpat, akiliutaat tamakkerlugu (tusarnaartarfimmi aningaasartuutit ilanngunnagit), nipilersortartumut tassunga ingerlateqqinneqassapput.
- 2. Inuttut aningaasarsiat:** Tamanna isumaqarpoq nipilersortartoq atuisumit, nipilersuusiaanik tusarnaartumit, toqqaannaq akilerneqassamat. Tusarnaarnerit ataasiakkaat nipilersortartup isertitaanut toqqaannaq sunniuteqartarput, tamannalu nipilersortartumut amerlanngitsunik tunniusimasunilli tusarnaarfigineqartartunut iluanaafiulluarsinnaavoq.
- 3. Eqqortumik ersarissumillu:** User-Centric Fordeling eqqorluartutut isigineqartarpoq, nipilersortartut tusarnaartiminnit eqqortumik akilerneqarnissaannik qulakkeerinnitartamat. Taamaalilluni isertitat qanoq agguataarneqarnerisut ersarinnerusumik takuneqarsinnaalluni. User-Centric Fordeling atorlugu peqquserluuteqarnerit pinaveersaartineqarsinnaapput, tusarnaartooq ataaseq nipilersortartumik imaluunniit nipilersuummik ataatsimik isertitaqarnerunissamik anguniagaqarluni streamerisinnaassanngimmat.

### Pro-Rata Fordeling

Spotifyip, tusarnaartarfimmi allat periuseq pro-rata atortarpaat, tassani tusarnaartarfimmi tusarnaarnerit tamakkerlugit amerlassusaat tunngavigalugu isertitat agguataarneqartarput:

- 1. Aningaasat agguagassat katillugit:** Atuisut akiliutaat tamakkerlugit agguagassanut katinneqartarput. Aningaasat agguagassat taamaalillutik nipilersortartunut agguataarneqartarput, tusarnaartarfimmi nipilersugaanik streamerinerit katinneri tunngavigalugit.
- 2. Nipilersortartut nuannarineqarnerit aningaasarsiornerusarput:** Periuseq una atorlugu nipilersortartut tusarnaarneqarnerpaat agguagarsiaat annerpaasarpoq. Taamaalilluni isertitat annersaat nipilersortartunut nuannarineqarnerpaanut tunniunneqartarput, naak immaqa atuisut ilaasa tusarnaarsimangikkaluaaraat.
- 3. Nipilersortartunut ikinnerussuteqartunut tamanna iluaqutaanngilaq:** Tamanna nipilersortartunut ikinnerussuteqartunut aningaasarsiornerisamat ajornarnerujussuuvoq, nipilersortartummi nuannarineqarnerpaanut aningaasat agguagassat fungaatigut unammillertariaqaramik, nuannarinnittut qanorluunniit nipilersugaannik tusarnaarsimatigigaluarpata.



## Naatsumik oqaatigalugu assigiingissutsit

- **User-Centric Fordeling (Tusass Music):** Atuisut ataasiakkaat tusarnaartagaat tunngavigalugit isertitat agguataarneqartarput. Nipilersortartut tusarnaartartuminnit toqqaannaq akilerneqartarput.
- **Pro-Rata Fordeling:** Tusarnaartarfimmi streamerinerit katillugit amerlassusaat tunngavigalugit isertitat agguataarneqartarput. Nipilersortartut nuannarineqarnerpaat isertitat annersaannik agguagarsifinneqartarput, apeqqutaatinnagu kina tusarnaartuunersoq.

User-Centric Fordeling atorlugu Tusass Music nipilersortartut tusarnaartartullu akornanni toqqaannarnerusumik eqqornerusumillu attaviliivoq. Isertitat amerlanersaat nipilersortartunut nuannarineqarnerpaanut tuinnatik, nipilersortartut ataasiakkaat tusarnaartartui tunngavigalugit akilerneqartarput. Taamaalillutik nipilersortartut ikinnerussuteqartut aningaa sarsionnissaminnik periarfissaqarnerupput, isertitaat tusarnaartartuinit tunngaveqarmara, agguagarsiasat katillugit unammissutigiinnarnagit. Tusarnaartarfinnut allanut sanilliullugu Tusass Music taamaalilluni eqqornerusumik periuseqarpoq, nipilersortartummi tamarmik, qanorluunniit amerlatigisunik/ikitsigisunik tusarnaartartoqaraluarunik aningaasarsionnissaminnut periarfissaqassammata.

*Nassuiaat:*

## **Tusass Musicimi kaaviaartitat ima agguataarneqartarput**

Tusass Music agguataarinermit periutsimik, 7.000-niit 10.000 tungaanut atuisoqarnermut tunngaveqartumik ineriartortitsisimavoq - atuisut tamarmik qaammammut 49 kr.-inik akiliisarput.

### Kaaviaartitsineq Agguataarinerlu

- 7.000-inik atuisoqartillugu qaammammut 343.000 kr.-it kaaviaartinneqartarput.
- Kaaviaartitanit taakkunanit Tusassip 33,04%-ia paariinnassavaa, tassa 113.327 kr. Aningaasat taakku Applemi pisiortorfimmu akiliinermit, ingerlatsinermit aningaasartuutinit nittarsaassinermullu atorneqassapput. Taamaalilluni Tusassi appimit toqqaannaq aningaasarsionngilaq.
- Kaaviaartitat sinneri (66,96%), tassa 229.673 kr. nipilersortartunut tuttarput.

Nipilersortartut piginneqataaffii nipilersornermi pisinnaatitaaffinnut kattuffiup Kodap, peqatigiiffiullu aningaasarsiorfiunngitsup DiGiDi-p akisussaaffigaat.

Atuisut amerlanerujartortillugit nipilersortartunut aningaasat tuttartut procentii amerliartussapput, Tusassimullu ikiliartussallutik.

Atuisut 10.000-nik amerlatigilerpata, kaaviaartitat 490.000 kr.-inngussapput, nipilersortar-



tunullu tuttartut 71,77%-nngussallutik.

### Tusarnaarnernit isertitat

- *Tusass Music*ip periusaa User Centric fordelling [\[LINK\]](#) atorlugu, nipilersortartoq tusarnaartartup aalajangersimasup nipilersuummik atuinera tunngavigalugu akilerneqartarpoq.
- Atuisoq ataaseq nipilersortartumik ataasiinnarmik qaammatip ingerlanerani tusarnaarsimappat, atuisup taassuma atuisuuffimmut akiliutai tamakkerlutik (tusarnaartarfimmi aningassartuutit ilanngunnagit), nipilersortartumut tussapput. Taamaalillutik isertitat nipilersortartunut toqqaannaq agguataarneqassapput, namminneq tusarnaartartuminnit qanoq tusarnaarneqartiginerat apeqqutaatillugu. Kikkut tamarmik streamigaannit agguagassat apeqqutaatinnagit.
- Systemimi uani qulakkeerneqassaaq, nipilersortartut tunniusimasunik tusarnaartartullit, tusarnaartartuminnik toqqaannarnerusumik aningaasarsiorsinnaanissaat, tusarnaartarfimmi nipilersortartut nuannarineqarsinerpaat unammillinnikkaluarlugit.

Tusarnaartarfik una eqqortumik ersarissumillu nipilersortartunut periuseqarpoq, isertitaat tusarnaartartuinit tunngaveqarnerummata. *Tusass Music*imi nipilersortartut ikinnerussuteqartut aningaasarsiornissaminnut periarfissaqarnerupput, saniatigullu tusarnaartartuminnut qaninnerusumik toqqaannarnerusumillu attaveqarlutik. Tamaat isigalugu *Tusass Music* nipilersortartunut, tusarnaarfinnut allanut sanilliullugu piujuartitsinerusumik pilersitsivoq.

